

傷寒論綱目  
六

傷寒論綱目卷第六

漢南陽張機仲景撰 同學李昌齡靜山叅

錢塘後裔志聰隱菴著 門人張國耀上珍校

辨太陰病脉證

太陰之爲病。腹滿而吐。食不下。自利益甚。時腹自痛。若下之。必胸下痞鞭。

此外內相應

太陰主地氣之在中而主開。故在外主皮膚之腠理。在內主五藏募原之肌腠。外內之相通也。太陰之爲病。病太陰之在外邪逆于外。濕土之氣不能灌溉四旁。故腹

膈者膈噎  
洞者洞泄

欲開不能

故有時而

痛

壬壬四季

而一日之

中有四時

氣為邪傷

故微虛

滿而吐。經云：太陰主開。開折，則倉廩無所輸。膈洞，故食不下。陰濕留中，故自利益甚。時腹自痛也。此因邪客于外，氣逆于中，以致自利自痛，非邪病之為利為痛也。故若下之，則邪氣內入，必胸下結鞭。

李靜山曰：濕氣灌于四旁，地氣上騰于天，故太陰之氣從內達外，病則反從外而內矣。

太陰中風，四肢煩疼。陽微陰瀋而長者為欲愈。脾主四肢，而風淫末疾，是以太陰中風，四肢煩疼。陽微者，風傷太陰之在外；陰瀋者，濕土之氣逆于內也。長者

此內通于  
外下文係  
在太陰乃  
外通于內

濕氣從內達外。風爲陽邪。得陰濕之氣。欲自愈。此言太  
陰濕土主氣。土王四季。濕灌四旁。

張上珍曰。瀉而長者爲欲愈。而字長字宜玩。

太陰病欲解時。從亥至丑上。

太陰爲陰中之至陰。而主開。亥者陰之極。丑者地氣開  
闢矣。

太陰病。脈浮者。可發汗。宜桂枝湯。

此病太陰之在外也。太陰主在外之肌腠。脈浮者。病在  
外。故可發汗。宜桂枝湯。

藏有寒者  
先陽明中  
見之化

自利不渴者屬太陰。以其藏有寒故也。當溫之。宜服四逆  
輩。

此病太陰之在內也。太陰濕土主氣。故自利不渴者屬  
太陰。以其藏有寒故也。脾爲陰濕之藏。而有寒。故當溫  
之以四逆輩。夫太陰之上濕氣主之。而有陽明中見之  
燥熱。故屬太陰之在內者。當發身黃。如脾藏虛寒。則自  
利不渴。此言太陰之爲病。有風寒外內之分。有陰寒濕  
熱之化。而湯方治法所當分別者也。

李靜山曰。上文病太陰在外。此病太陰在內。下文病在

凡論脉其  
中用虛字  
者宜分看

外而轉繫于內。蓋太陰之氣主外主內。而外內相通。  
傷寒脉浮而緩。手足自溫者。繫在太陰。太陰當發身黃者。  
小便自利者。不能發黃。至七八日。雖暴煩下利。日十餘行。  
必自止。以脾家實腐穢當去故也。

行叶盈

傷寒脉浮。病在外也。繫聯絡也。緩則聯絡于內。故在外。  
之氣反弛。緩外內之相通也。陽受氣于四末。而四肢皆  
稟氣于脾。手足自溫者。是為繫在太陰。而不涉于脾藏。  
太陰濕土主氣。故當發身黃。若小便自利者。濕氣升布。  
而為雲。為雨。故不能發黃。至七八日。暴煩下利者。病氣

上走心故  
暴煩

而關乎形藏也。蓋脾是動病。上走心爲噫。下走于腸胃。而爲得後與氣暴煩下利者。厥逆從上下散也。此脾家實而腐穢當去。故雖日十餘行而下利必自止。夫太陰乃三陰之氣。而脾者形藏也。在天爲氣。在地成形。形氣之相感也。繫在太陰。而手足自溫者。病氣而不病。形脾家實而腐穢當去者。因氣而及于形矣。形氣離合之道。乃陰陽體用之變化。讀者其致思焉。

按在陽明篇曰。至七八日大便鞭者。爲陽明病。夫太陰主地。而陽明居中土。土者地之五行也。大便鞭者。乃陽

胃之燥實下利日十餘行。乃脾藏之濕實。傷寒繫在太陰。或轉及陽明而為府實。或在太陰而為藏實。此陰陽藏府之相通也。

○本太陽病。醫反下之。因爾腹滿時痛者。屬太陰也。桂枝加芍藥湯主之。大實痛者。桂枝加大黃湯主之。

桂枝加芍藥湯方

桂枝 三兩

芍藥 六兩

甘草 二兩

生薑 三兩

大棗 十二枚

右五味以水七升煮取三升去滓分溫三服

桂枝加大黃湯方

桂枝 三兩

芍藥 六兩

甘草 二兩

生薑 三兩

大棗 十二枚

右五味以水七升煮取三升去滓分溫三服

桂枝湯木  
火之氣主  
助太陰之  
溫土

桂枝 三兩  
芍藥 六兩  
大黃 二兩  
甘草 二兩  
生薑 三兩

大棗 十二枚

右六味以水七升煮取三升去滓溫服一升日三服  
本太陽病醫反下之因爾腹滿時痛者此陽熱之邪轉  
屬於太陰之陰分矣宜桂枝湯宣助太陰之氣以外達  
加芍藥以瀉太陽之熱邪大實痛者邪熱盛也宜加大  
黃以行之  
太陰爲病脉弱其人續自便利設當行大黃芍藥者宜減  
之以其人胃氣弱易動故也

陽明本于胃府所生故以胃為本

脉弱者胃氣弱。續自便利者陽明之氣虛也。此言太陰濕主氣藉陽明中見之燥熱以合化。若其人陽明胃氣虛者當行大黃芍藥宜減之。蓋苦寒之劑易動其泄利故也。

### 辨少陰病脉證

少陰之為病脉微細但欲寐也。

此論少陰為病之總綱。少陰之上君火主之。標陰而本熱。火上而水下。火之精為神。水之精為精。脉微者神氣微也。細者精氣虛也。此少陰標本之為病也。少陰主樞。

太陽之為  
病脈浮少  
陰之為病  
脈微細

而外內出入。病則神氣不能外浮。故但欲寐也。夫氣行于陽則目張而寤。入于陰則目瞑而寐。但欲寐乃欲張不能之象。

李靜山曰。太陽少陰本于先天一氣。並主寒水之精。君火之神。中焦之汁流溢于中而為精神。氣化赤而為血。是以太陽少陰主脈。

○少陰病欲吐不吐。心煩但欲寐。五六日自利而渴者。屬少陰也。虛故引水自救。若小便色白者。少陰病形悉具。小便白者。以下焦虛有寒。不能制水。故令色白也。



病在外故  
曰自利而  
渴曰自救

此傷寒一日太陽受之而卽傳少陰之爲病。蓋少陰君  
火主氣。火之神氣外浮。與太陽交相傳感。故先言欲吐  
不吐。此卽太陽篇之頗欲吐也。少陰之樞轉從中胃以  
出入。邪病于外。則中氣不舒。故見此欲吐不吐。但欲寐  
之樞象。而心煩。此病少陰之在外也。少陰之氣三日在  
外。三日在內。至五六日。氣機入于裏陰。又當少陰主氣。  
自利而渴者。屬少陰標本之爲病也。夫心腎水火之氣。  
上下交濟。水不上濟。則心氣虛。故引水以自救。火不下  
交。則下焦虛。有寒不能制水。故令小便色白。若小便色

陽入于陰  
陰陽相搏  
則緊  
亡陽者亡  
其表陽故  
反汗出

白者。少陰病形悉具。蓋少陰火上而水下。火之神氣主  
樞轉出入神氣受傳自外而內。從上而下。及于下焦之  
寒水。而少陰標本之病形始具。此言太少相傳于外。從  
外以及內。從上以及下也。

病人脉陰陽俱緊。反汗出者。亡陽也。此屬少陰。法當咽痛  
而復吐利。

此傷寒六七日。陽去入陰。而傳于少陰也。病人脉陰陽  
俱緊者。太陽之邪入于裏。陰病少陰。上下水火之氣故。  
脉陰陽俱緊也。反汗出者。陽去入陰故也。此屬少陰病。

心脉上挾

明

少陰君火

主氣故法

當先病在

上

君火之氣在上則咽痛病寒水之氣在下則吐利法當  
咽痛而復吐利者法當先病上而後及于下也上文論  
太少相傳于外此論太少相傳于內蓋太少之氣並主  
外內出入

○少陰病欬而下利譫語者被火氣劫故也不小便必難以  
強責少陰汗也與少陽篇合看

少陰秉先天之水火水火者精氣也少陰之汗出于腎  
藏之精心藏之血由真氣以蒸發非凡火之可攻是以  
少陰病得之二三日無裏證宜麻黃附子甘草湯微發



下焦之生  
陽乃少陽  
三焦之氣  
地二之火  
也

心氣不下  
則下利  
氣不下則  
小便難

汗。蓋以附子助下焦之生氣。蒸發精血之液而爲汗。若  
生氣厥于下而強發之。必動其血。或從口鼻。或從目。由  
而妄行矣。故少陰之汗。若以凡火攻之。反傷上焦心肺  
之氣。則欬而譫語。氣不下化。則下利而小便必難以強  
責少陰汗故也。此假火攻以明少陰之汗。由腎藏之真  
元而後能熏膚充身澤毛。若霧露之溉。

李靜山曰。心主血。肺主氣。氣化血液而爲汗。腎藏之精  
氣上通于心肺。真氣上蒸而後汗出溱溱。是以邪火攻  
之。則反傷其心肺矣。

張上珍曰本經凡論火攻則曰火劫火迫火熏火熱此  
曰火氣者謂醫欲以火氣代真氣歟。  
少陰病脉細沉數病爲在裏不可發汗。

此言少陰主樞外內出入如病在外而無裏證可微發  
其汗若脉細沉數病爲在裏不可發汗。○愚按細者中  
焦之血氣細濇沉者下焦之精氣不升數者君火之神  
機內逆夫血脉主于少陰心腎而生于陽明胃府心主  
之神腎藏之精合并于中胃而主神機出入故脉細沉  
數病爲在裏。

少陰病。脉微。不可發汗。亡陽故也。陽已虛。尺脉弱。濇者。復不可下之。

經云。陽加于陰。謂之汗。太陽與神氣相合。而主血脉。乃血液由陽氣之蒸發。脉微爲亡陽。故不可發汗。尺脉弱濇者。下焦之精氣虛弱。陽已虛。尺脉弱濇者。復不可下之。謂神生于精。陽生于陰也。

李靜山曰。陽生于陰。從下而上。自內而外。若火攻之。反從外而內。故欬而譫語。

○少陰病。脉緊至七八日。自下利。脉暴微。手足反溫。脉緊。

